

INFORMACIJA

O STANJU NA PODRUČJU KANTONA SARAJEVO 26. MAJA U 9 SATI

Štab je u toku 25. maja 2014. godine u koordinaciji sa općinskim štabovima civilne zaštite nastavio sa aktivnostima na otklanjanju posljedica od poplava i klizišta.

Tako je, Štab civilne zaštite Kantona Sarajevo u koordinaciji sa općinskim štabovima civilne zaštite i ekipama Zavoda za javno zdravstvo Kantona Sarajevo u cilju sprječavanja i suzbijanja zaraznih bolesti i očuvanja i unaprijeđenja zdravlja stanovništva, nastavio sa aktivnostima na preduzimanju neophodnih sanitarno-higijenskih mjera nad područjima koja su bila ugrožena od poplava i klizišta u Kantonu Sarajevo.

Štab civilne zaštite Kantona Sarajevo je u saradnji sa KJKP „Vodovod i kanalizacija“, a na osnovu zahtjeva Općinskog štaba civilne zaštite Vogošća, u toku jučerašnjeg dana angažovao navedeno KJKP da vrši kontinuiranu isporuku vode za piće putem cisterni u slijedeće MZ: Svrake, Blagovac, Vogošća I, Vogošća II i Semiozovac.

U toku jučerašnjeg dana, Štab civilne zaštite Kantona Sarajevo je nastavio sa aktivnostima na pružanju pomoći u čišćenju i sanaciji nastale štete najugroženijim općinama u BiH i to:

- Na osnovu aktivnosti koje provode Vlada Kantona Sarajevo i Štab civilne zaštite Kantona Sarajevo na pružanju pomoći u sanaciji poplavljenih područja u BiH, 25. maja 2014. godine na raščišćavanju poplavljenih područja u općini Maglaj angažovana je bila slijedeća mehanizacija od KJKP: 2 cisterne i 2 velika kiper kamiona za odvoz kabastog smeća od KJKP „Rad“, 2 specijalna vozila VOMA i 1 kiper kamion od KJKP „Vodovod i kanalizacija“ i 1 grejfer i 1 kiper kamion od KJKP „Park“, 1 grejfer i 1 kiper kamion od KJKP „Pokop“, 1 mini autobus za prevoz 25 radnika od KJKP „Gras“, kao i ljudstvo koje opslužuje navedenu mehanizaciju. Koordinator ovih aktivnosti na terenu je bio predstavnik Štaba civilne zaštite Kantona Sarajevo Senad Helać.
- Kantonalna uprava civilne zaštite, odnosno Štab civilne zaštite je u koordinaciji sa Općinskim štabom civilne zaštite Novo Sarajevo organizovao 1 autobus do 50 sjedišta za prevoz dobrovoljaca- aktivista na relaciji Grbavica, džamija u ul. Kemala Kapetanovića-Magla, koji su u toku 25. maja radili na otklanjanju posljedica od poplava u navedenom mjestu.
- Kantonalna uprava civilne zaštite, odnosno Štab civilne zaštite je organizovao 1 autobus do 50 sjedišta za prevoz aktivista-dobrovoljaca na relaciji Zemaljski muzej-Maglaj, koji su u toku 25. maja radili na otklanjanju posljedica od poplava u navedenom mjestu.
- U toku 25. maja Crveni križ Kantona Sarajevo je u saradnji sa općinskom organizacijama crvenog križa Hadžići uputio pomoći u hrana i drugim potrebštinama na područje općine Maglaj.